

Inne énnée d'brin

2020 inne énnée d'brin, pour yètte inne énnée d'brin ché'l lal lo à nous z'a bien servi, ch'peu même dire ék sin brin chétoé dé'b boënnè méchandise, éd première qualité, même si chétoé chinoés . Chés chinoés nous z'ont pourtant habituè a nous inwéyé du brin y'éroètent tord d'és privé pisqu'on lu z'accatons, bien seur, ché point tchére qu'on me dit. Lo, cha la ètè gratuit !

Pourtant m'grand mère à mé'l awé toujours dit (ch'boin mèrtché yé troup tchére) 2020 yawé pourtant bien qu'minchè o z'avoms révéyonè à moézon d'ém sœur ché toujours yèlle qui régale j'ai n'lè janmoé contraryè pi j'ai toujours dit merci. Après cho i v'noètent minger am moézon pour é nouvel énnée. Chétoé inne fricassée d'bés (boënnè énnée, boënnè santè, d'chi in an koère autant) ché ch'qu'on dit à chés gins qu'on aime bien din min poéyis.

Mais va ti point qu'in malotru, point invité bien seur yé v'nu s'intaller à no moéson, sans d'mander arhrien, pi s'ingarnèr din nos niflettes, s'installer à l'aise din no panche és prélasser din tout no corps, nous foère souffrir é'm martyre pi mèmme foère mourrir chés pus fragilles éd nous z'eute. Din ch'cas lo quoè qu'ché qu'on foé ? Bin on s'in vot vire éch médcin bien seur chés médsins n'ont point ètè d'in grand s'cour i'n sawètent arhien alors y'on racontè ninporté quoè, surtout des carabistouilles y'ont dit chés point graffe du tout aveuc in tchot caché pour ché'f fièfe cha vo passer tout seu, ché t'inne tchotte grippe, chés z'eutes médsins y'ont dit oh la ! la! ché graffe i feut sogner cho tout d'suite! mais inne sawètent point aveuc quoè ? ya mèmme in améritchin, ch'président, ché vrais ék cha n'étoé point é'p pus malin, li y'a dit « o n'avez qu'a boère in molé d'yeu d'javel cha vous nétoéro vos boéyeux !

Tous les jours chés médcins, chés ministes ,chés gins d'la télé nous racontent qui feut nous foére vacciner. d'accord éj vouldroé bien yètte vaccinè surtout qu'din min poéyie ya tout ch'qui feut des médcins, des infirmières, des z'indroés pour vacciner , mais ya point d' vaccin !

Alors i nous z'ont confinè, déconfinè, après six z'heure du soir couve-fu tartout in garde à vue pour la nuit, heuresmint qu'aveuc ém femme cha s'aringe putout bien, surtout quant jé né'l contrarie point pi qu'éch foé tout ch'qua'veut

Bon j'arrette aveuc éch gouvènemint éj min vos canger d'comiques j'vos aller vire inne série sur NETFLIX ché m'tchotte fille qui m'a instalè cho pour qué'jé'n minnuiche point. Après j'irè minger pi foére six quart après caudière ém journée à l'erro ètè bien rimplie,

mais d'van cho, i feut qu'éj vous raconte l'aventure éd brin qui m'a arrivè aveuc ém nouvelle auto, j'é'lé accatè in octobre j'uste édvant d'yètte confinè chés t'inne auto moderne, à l'est bique et bouc , mitant essence mitant élèctrique

aveuc éch confinmint a n'a point gramint roulè huit chints tchilomètes pour quate moés, jus pour foére mes commitions pi aller ach mèdcin pour sogner mes vielles douleurs.aveuc ché'f froidure quo z'avons ye, vat i point qu'éch l'auto n'a point voulu démérer. éch téléphone ach garache, in grand garache tout neu inne fèmmè a ma répondu aveuc inne voèx comme à la télé in Français bien seur (que puige pour vous ?) quant jé yè ésplitchè ém n'histoère a m'a donnè in numérou d'téléphone pour qui vyinchtent tcheure em wéture pour é'lamner au garache j'arhtéléphone j'ésplique quoère in queup ém n'histoère éch t'homme i m'dit (je ne peut pas aller vous dépanner où alors ce sera a vos frais et il y aura du delais) pouquoè qu'éch dit ?

Monsieur vous êtes en Picardie et moi je suis à l'île dela Reunion! j'è rappplè min garache, point troup contint alors lo j'ai yeu in responsape qui m' passè in spécialiste qui li oussi m'a passè in eute service. après awér foé connaissance aveuc tout ch'garache j'è fini

pér awer in rendez vous huit jours après ! Quant éch vous awé dit qu'chétoé inne énnée d'brin ém n'histoére a n'é point fini.

Feu foère inne revision complète a inne auto qui o huit chints tchilomettes heureusement qu'éch marchand m'awé dit (cette voiture est de la dernière génération avec toutes les fonctions modernes du marché) y'éroètent miux foé d'lu mette un cache nez pi dés gants pasqu'ém n'auto a l'é comme ché bus élèctriques d'Anmiens a n'aime point ch'froéd dés qui sintent in molé d'frécheur i'n veulent té pus mette lu nez déyor.

Ch'l'aventure lo m'a apprind qu'din un garache moderne ya gramint éd secrétaires gramint éd vindeux gramint éd comtabe garmint d'gins pour vous arhchuwére gramint gramint d'chèf , mais ya point gramint d'mécaniens ?

Adé mes gins portez vous bien

Lexique Picard

Bique et bouc : hybride d'un genre double, l'un et 'autre dans le cas de ma voiture, à essence et électrique

Brin: merde en Picard, Brin est moins grossier que merde (même si c'est la même matière)

Boin mértché : pas cher

boëgne égnè boëgne santé d'ichi in an quoère autant:
formule se souhaitant de pouvoir encore se la souhaiter l'année prochaine

Fricassée d'bé : de nombreux baisés

Foère six quart après caudière : faire la sieste après le repas la caudière étant le plat de poisson traditionnel

gramint : beaucoup

s'Ingarner: se faufiler, entrer par effraction

niflette : narine

panche : ventre

Une année de merde

2020, une année de merde, pour être une année de merde celle ci nous a bien servi, je peux même dire que sa merde était de la bonne marchandise, de première qualité même si c'était chinois.

Les chinois nous ont pourtant habitué a nous envoyer de la merde ils auraient tort de s'en priver puisque nous la leur achetons, bien sur ce n'est pas chère que l'on me dit, la c'était gratuit !

Pourtant ma grand mère m'avais averti « le bon marché est trop chère » 2020 avait pourtant bien commencé nous avons réveillé chez ma sœur, c'est toujours elle qui prépare le repas j'accepte sans jamais la contrarier et j'ai toujours dit merci, pour la nouvelle année elle venait manger chez moi c'était un débordement de bises (bonne année, bonne santé dans un an encore autant) c'est ce que l'on dit aux gens que l'on aime bien dans mon pays.

Mais un malotru, que nous n'avions pas invité bien sur, est venu s'installer chez nous, sans rien demander, il se faufila dans nos narines, prend ses aises dans notre ventre et se prélassa dans tout notre corps, nous fait souffrir le martyr et fait même mourir les plus fragiles. Dans ce cas de figure que doit on faire ? On va consulter le médecin bien sur.

Les médecins n'ont pas été d'un grand secours, ils ne savaient rien alors ils ont raconté des bêtises, ils ont déclaré doctement ce n'est pas grave avec un peu de paracétamol pour la température cela passera tout seul, c'est une petite grippe. Mais des médecins concurrents ont dit oh la la ! c'est grave il faut soigner cela tout de suite ! Mais avec quels médicaments ? Il y a même un Américain, le président, il est vrais que ce n'était le plus malin, il a déclaré « vous n'avez qu'à boire un peu d'eau de javel cela vous nettoiera

les boyaux !

Tous les jours les médecins, les ministres, les gens de la télé nous racontent qu'il faut se faire vacciner. D'accord je voudrai bien être vacciné, surtout que dans mon pays tout est en place pour vacciner les habitants

, nous avons les médecins, les infirmières, les centres de vaccination, mais il n'y a pas de vaccin !

Alors ils nous ont confiné, déconfiné, après dix huit heure couvre-feu. tous en garde a vue pour la nuit. Heureusement qu'avec ma femme tout va bien, surtout quant je ne la contrarie pas et que je fait ce qu'elle désire.

Bon j'arrête avec le gouvernement, je vais changer de comiques je vais aller voir une série sur NETFLIX c'est ma petite fille qui m'a installé cela pour que je ne m'ennuie pas, après j'irai déjeuner et faire une bonne sieste ma journée sera bien remplie

mais avant cela il faut que je vous raconte l'aventure de merde qui m'est arrivé avec la nouvelle voiture que j'ai acheté en octobre juste avant d'être confiné c'est une voiture moderne c'est une hybride. avec le confinement elle n'a pas beaucoup roulé huit cents kilomètres en quatre mois, seulement pour aller aux courses et chez le médecin pour soigner mes vieilles douleurs.avec le froid que nous eu ma voiture n'a pas voulu démarrer. Je téléphone donc au garage, un grand garage tout neuf, une dame me répond avec une voie de présentatrice de télé et en bon Français (que puis je pour vous) quand je lui ai exposé la situation elle m'a donné un numéro de téléphone pour que l'on vienne me dépanner, je retéléphone, j'explique encore un fois mon histoire un homme me répond (je ne peut pas aller vous dépanner ou alors ce sera à vos frais et il y aura du délais) pourquoi ? Il me répond Monsieur vous êtes en Picardie et moi je suis à l'île de la Réunion !

J'ai rappelé mon garage, pas trop content , on m'a passé un responsable qui m'a passé in spécialiste qui lui aussi m'a passé un

autre service, après avoir fait connaissance avec tout le garage j'ai fini par avoir un rendez vous huit jours après ! Quand je vous avais dit que c'était une année de merde. Mon histoire n'est pas fini il faut faire une révision complète à un véhicule qui a huit cents kilomètre heureusement que le vendeur avait dit (cette voiture est de la dernière génération avec toute les fonctions modernes du marché) il aurai mieux fallu lui fournir un cache nez et des gants ma voiture est de la famille des bus élèctriques d'Amiens ils n'aiment pas le froid dés qu'ils sentent un peu fraîcheur ils ne veulent plus mettre le nez dehors
cette aventure m'a appris que dans un garage moderne, il y a beaucoup de commerciaux, de secrétaires, d'hôteses d'accueil beaucoup de chefs, mais ce qui est rare dans garage moderne c'est les mécaniciens !

au revoir mes amis portez vous bien